

## Aðalfundarboð

Boðað er til aðalfundar félagsins þann 28. mars 2022 kl: 17:00 og verður hann haldinn að Borgartúni 6, 4. hæð. Fundurinn verður einnig í boði sem fjarfundur.

### Dagskrá

1. Formaður flytur skýrslu stjórnar um félagsstarfið á liðnu starfsári.
2. Lagðir fram endurskoðaðir ársreikningar félagsins og sjóða þess.
3. Tillögur um lagabreytingar.
4. Ákvörðun um félagsgjöld.
5. Stjórnarkjör.
6. Kosning í stjórn kjaradeilusjóðs.
7. Kosning siðanefndar.
8. Önnur mál.  
Markaðssetning félagsins

## Skráning þátttöku á aðalfund

Vinsamlegast skráið ykkur til þátttöku á aðalfundinn eigi síðar en á hádegi 25. mars nk. svo hægt sé að áætla magn veitinga og hverjir vilja fá sendan fundarlink á fundinn. Skráning fer fram [hér](#).

Ef þið lendið í einhverjum vandræðum hafið þá samband við okkur á skrifstofu FÍN um netfangið [fin@bhm.is](mailto:fin@bhm.is) eða í síma 595-5175.

## Endurskoðaðir ársreikningar félagsins og sjóða þess

Endurskoðaðir ársreikningar félagsins og sjóða eru aðgengilegir á heimasíðu FÍN.

## Tilkyrningar

Skrifstofa FÍN er að  
Borgartúni 6, 3. hæð  
105 Reykjavík

Opið:  
Mánudaga og Miðvikudaga  
Frá kl. 13:00—14:00  
Þriðjudaga og Fimmtudaga  
Frá kl. 11:00—12:00  
Lokað á föstudögum

Sími: 595-5175  
Netfang: [fin@bhm.is](mailto:fin@bhm.is)  
Veffang: [www.fin.is](http://www.fin.is)

### Starfsmenn á skrifstofu:

Marianna H. Helgadóttir,  
formaður

Orrí Þrastarson,  
sérfræðingur

Runólfur Vigfússon,  
Lögræðingur

### Útgefandi: FÍN

Ábyrgðamaður:  
Marianna H. Helgadóttir

Upplag: Netútgáfa

## Orlofsuppbót

Orlofsuppbót verður **að lágmarki** sem hér segir:

Ríki:	53.000 kr.
Sveitarfélög:	53.000 kr.
Reykjavíkurborg:	53.000 kr.
Aðalkjarasamningur SA:	53.000 kr.

## Þjónustuskrifstofa FÍN

FÍN er umhugað um að veita góða þjónustu og býður m.a. upp á hagsmunagæslu á sviði kjara- og réttindamála, túlkun á samningum og ráðgjöf í ágreiningsmálum. Önnur þjónusta FÍN felst í:

- Ráðgjöf vegna kjara- og réttindamála
- Ráðgjöf vegna ráðningarsamninga
- Upplýsingar varðandi launakjör og launaþróun
- Fræðslu frá starfsmönnum skrifstofu FÍN á stofnunum/fyrirtækjum
- Lögræðiþjónustu á sviði vinnuréttinda
- Aðstoð við lausn ágreiningsmála á vinnustað
- Ráðgjöf til félagsmanna í atvinnuleit og styrki til atvinnulausra félagsmanna
- Ráðgjöf og yfirlestur ráðningarsamninga
- Umsagnir vegna umsókna um atvinnuleyfi

Hægt er að bóka viðtöl með því að senda póst á [fin@bhm.is](mailto:fin@bhm.is)

## Sjóðir BHM

Við minnum félagsmenn okkar á að fylgjast með [breytingum á úthlutunarreglum einstakra sjóða BHM](#).

Rétt er að geta þess að stjórn Orlofssjóðs BHM sendir reglulega frá sér pósta og hægt er að skrá sig á póstlista sjóðsins á [bhm.is](http://bhm.is). Einnig hvetjum við félagsmenn til að fylgjast með facebook síðu sjóðsins er þar eru gjarnan birtar upplýsingar um hús sem losna með litlum fyrirvara.

Ef þú hefur einhverjar spurningar vegna sjóða BHM þá vinsamlegast hafðu samband við [þjónustuver BHM](#).

# Pistill formanns

## Kæru félagsmenn

Félagið stendur fyrir margvíslegum áskorunum á árinu 2022. Fyrst er að nefna hagsmunagæslu fyrir félagsmenn, þar á eftir undirbúning kjaraviðræðna, eftirfylgni bókana og loforð tengd kjarasamningum, ásamt áframhaldandi endurskoðun á tugum stofnanasamninga. Jafnframt viljum við gera átak í því að upplýsa sem flesta um tilgang félagsins út á við, hverjir geta verið náttúrufræðingar og hvers vegna launþegi á að velja FÍN umfram önnur stéttarfélög.

## Þjónusta FÍN og félagsgjöld

Félagið ætlar því að fara í átak til að upplýsa sem flesta um félagið og fyrir hvað það stendur. Við bindum vonir við að launþegar velji að vera félagsmenn í FÍN þar sem við viljum veita okkar félagsmönnum framúrskarandi þjónustu þrátt fyrir að vera með lág félagsgjöld. Þess má geta að félagsgjöld hjá FÍN hafa lækkað undanfarin 15 ár úr 1,7% og nú komin í 0,65%. Hægt er að skoða sérstaka reiknivél til að reikna út hvað þú getur sparað á því að vera félagsmaður í FÍN eða öðrum félögum með hærra félagsgjald. Sjá nánar reiknivél, <https://www.fin.is/um-felagid/felagsgjold/>.

## Hverjir eru náttúrufræðingar?

Náttúrufræðingar vinna ýmis störf er tengjast náttúrunni í hinu stóra samhengi, þar má nefna umhverfisfræðinga, landslagsarkitekta, skipulagsfræðinga, gæðastjóra, stærðfræðinga, eðlis- og efnafræðinga, sjávar- og fiskifræðinga, heilbrigðisstarfsfólk og áfram má lengi telja. Félagsmenn okkar sinna fjölbreyttum störfum og gegna lykilhlutverkum í samfélaginu öllum til heilla. Án okkar félagsmanna væri erfitt fyrir margar stéttir að vinna sitt starf.

Margir náttúrufræðingar hafa staðið vaktina hvað varðar greiningu á covid 19 sjúkdómnum og náttúruvá á Íslandi. Félagsmenn FÍN eru því framlínustarfsmenn þar sem þeir vinna ýmsa vinnu svo almannavarnir geti ákveðið næstu skref.

Félagsmenn FÍN sem eru heilbrigðisstarfsmenn hafa unnið myrkranna á milli við greiningar á Covid-19 sjúkdómnum og við greiningu annarra alvarlegra sjúkdóma. Án greininga frá þeim myndi vanta mikilvægan hlekk í lækningaferli sjúklinga. Það eru margar heilbrigðisstéttir sem gegna hver og ein sínu lykilhlutverki í keðjunni til að ná sjúklingi aftur í bata eftir veikindi. Læknar eru margir hverjir háðir því að okkar félagsmenn framkvæmi ýmsar greiningar og jafnvel vinni efni úr blóði svo þeir geti tekið ákvörðun um meðferð sjúkdóms hjá viðkomandi sjúklingi. Allir í keðjunni eru því í eldlínunni þegar covid-19 er annars vegar. Einnig er okkar fólk oft á tíðum lykilhlekkur í löngu ferli við að koma mörgum sjúklingum til bata. Álagið á þessa starfsmenn hefur verið gífurlegt.

Félagsmenn FÍN eru vel menntaðir sérfræðingar sem sinna ýmsum störfum og þar má nefna ýmsa náttúruvárvöktun, þeir fylgjast t.d. með veðri, jarðskjálftum, eldgosum, vatnavöxtum, sjávarflóðum og snjóflóðum sé eitthvað nefnt. Án þeirra væru ekki gefnar út viðvaranir til almennings þegar vá steðjar að okkur.

Félagsmenn FÍN sinna margskonar rannsóknum á lífríki náttúrunnar, fylgjast með stofnstærðum dýra, vakta náttúruna, s.s. loftgæði og vakta náttúruna og gefa út viðvaranir ef okkur stafar hættu af uppsöfnun óæskilegra eiturefna í náttúrunni, jafnt á sjó og landi. Fyrir tilstilli þessara sérfræðinga sem eru í FÍN eru til gögn sem yfirvöld byggja ákvarðanir sínar á t.d. hve mikla veiði ýmsir fiski- og dýrastofnar þola, hvort neysluvatnið sé í lagi og hvort eiturefni séu að safnast upp í dýrategundum s.s. fiski eða kræklingum.

Arkitektar ásamt umhverfis- og skipulagsfræðingum gegna mikilvægu hlutverki við skipulagningu mannvirkja við sjó, vatn og á landi. Margir aðrir náttúrufræðingar eru í félaginu eins og stærðfræðingar, tölfraðingar, tölvufræðingar, verkfræðingar, efnafræðingar, eðlisfræðingar, lyfjafræðingar, vistfræðingar, fornleifafræðingar, stjarnfræðingar og ferðamálafræðingar svo einhverjir fleiri séu nefndir.

# Pistill formanns

Félagsmenn FÍN sinna því ýmsum störfum er lúta m.a. að nýsköpun, tækni, arkitektúr og vistkerfi landsins. Náttúrufræðingar gegna því mörgum lykilstörfum á Íslandi.

## Hreyfanlegt vinnuafli og fjarvinna

Félagsmenn FÍN vinna margir hverjir störf sem hægt væri að vinna hvar sem er í heiminum og störf án staðsetningar eru að ryðja sér til rúms. Mikilvægt er að vinna að því að auðvelda fólki að vinna á fleiri en einum stað í heiminum án þess að tapa réttindum. Vilji virðist vera til staðar til að auðvelda erlendum sérfræðingum að setjast hér á landi en við þurfum líka að huga að því að sérfræðingar frá Íslandi verði að geta sest að erlendis og jafnvel starfað við íslensk fyrirtæki með fjarvinnu. Mikilvægt er því að huga að réttindum þessara hópa.

## Komandi kjaraviðræður

Á komandi ári munum við hefja viðræður við stærstu viðsemjendur okkar um kaup, kjör, réttindi og skyldur, en samningar við ríkið, sveitarfélögin og Reykjavíkurborg renna út í mars 2023. Árið 2022 mun því fara að miklu leiti í undirbúning þeirra viðræðna. Við viljum að störf okkar félagsmanna séu metin að verðleikum. Við viljum að félagsmenn taki þátt í mótun kröfugerðar FÍN gagnvart okkar viðsemjendum, þetta er sameiginleg ábyrgð okkar að standa saman og ná sem bestum árangri í kjaraviðræðum á hverjum tíma. Umboð til gerð kjarasamninga liggur hjá stéttarfélaginu og er stjórn félagsins samninganefnd félagsins. FÍN er aðili að Bandalagi háskólamanna en bandalagið er ekki með samningsumboð fyrir FÍN eða önnur stéttarfélög. Við stólum engu að síður á að stéttarfélögin sjái hag í því að sýna samstöðu í gerð kjarasamninga og þannig reyna að ná góðum kjarasamningum, hvort sem við förum ein í viðræður eða með öðrum stéttarfélögum í sameiginlegar viðræður.

Undirbúningur fyrir kjarasamninga er lykilatriði. Við munum horfa í baksýnispegilinn og greina hvar árangur hefur náðst og hvernig þróun launa hefur verið undanfarin ár. Hvað ávannst í síðustu kjarasamningum, hvernig verðbólgan hefur haft áhrif á kaupmátt félagsmanna eftir að samningar voru gerðir, horfa á kauphækkningar annarra með tilliti til okkar hækkana og skoða hvað hagvaxtarauki gæti skilað okkur í umslagið ef um hann semst milli aðila.

## Hvernig tókst til með styttingu vinnuvikunnar?

Stytting vinnuvikunnar ein og sér skilaði launahækkunum til okkar félagsmanna og vonandi fleiri gæðastundum með þeirra nánustu. Verðmæti styttingar vinnuvikunnar felst einnig í sölu á kaffitímum en misjafnt er hvort félagmenn stígu það skref eða ekki. Ef við reiknum út hvað stytting vinnuvikunnar skilar félagsmanni í launahækkun miðað við tímakaup þá hefur tímakaupið hækkað um 2,71% launahækkun. Selji starfsmaður jafnframt kaffitímanna sína þá er launahækkunin miðað við tímakaup allt að 10%. En hvernig tókst innleiðingin? Það mun verða staðið fyrir könnunum á styttingu vinnuvikunnar annars vegar fyrir dagvinnufólk og hins vegar vegna vaktavinnufólks. Kannað verður hvort innleiðing hefur verið rétt innleidd og hvort félagsmenn séu almennt ánægðir með styttingu vinnuvikunnar. Í komandi viðræðum verður metið hvernig til tókst. Við hvetjum alla félagsmenn til að svara þessari könnun þegar þeir fá hana í hendur.

## Vinnustaðafundir

Félagið mun halda vinnustaðafundi á flestum vinnustöðum, við munum senda út kannanir til að kanna hvar áherslur okkar félagsmanna liggur varðandi kröfugerð félagsins. Einnig geta félagsmenn sent okkur tölvupóst á netfangið [fin@bhm.is](mailto:fin@bhm.is) um hvað þeim finnst mikilvægt að félagið leggi áherslu á í kjaraviðræðum eða á sjálfum vinnustaðafundinum.

## Lokaorð

Ég vona að félagsmenn sjái sér fært að mæta á aðalfund félagsins og að við getum hist og rætt saman!

Með bestu kveðjum, Maríanna H. Helgadóttir, formaður Félags íslenskra náttúrufræðinga

# Tillögur um lagabreytingar

**Var:**

## **2. gr. Hlutverk**

Félagið er stéttarfélag. Hlutverk þess er:

- a) Að vinna að bættum kjörum félagsmanna og gæta hagsmuna þeirra í kjarasamningsbundnum réttindamálum, meðal annars með aðild að Bandalagi háskólamanna - BHM. Félagið gerir kjarasamninga fyrir félagsmenn sína, hvort heldur er á almennum markaði eða hjá hinu opinbera.
- b) Að stuðla að samvinnu, samheldni og góðri fagþekkingu félagsmanna.

**Verður:**

## **2. gr. Hlutverk**

Félagið er stéttarfélag. Hlutverk þess er:

- a) Að vinna að bættum kjörum félagsmanna og gæta hagsmuna þeirra í kjarasamningsbundnum réttindamálum.
- b) Að gera kjarasamninga fyrir félagsmenn sína, hvort heldur er á almennum markaði eða hjá hinu opinbera.
- c) Að stuðla að samvinnu, samheldni og góðri fagþekkingu félagsmanna.

**Var:**

## **3. gr. Aðildarskilyrði**

Félagsmenn geta orðið:

- a) Þeir sem hafa lokið a.m.k. Bachelor-prófi eða sambærilegri menntun í náttúrufræðum, arkitektúr eða öðrum tengdum greinum frá háskóla eða hliðstæðum menntastofnunum,
- b) Nema aðild er tímabundin aðild að félaginu. Námsmenn í náttúrufræðum, arkitektúr eða öðrum tengdum greinum sem hafa lokið a.m.k. eins árs háskólanámi geta sótt um nema aðild. Nema aðild varir að hámarki í 5 ár. Nema aðild veitir full félagsréttindi önnur en kjörgengi.

Kjörgengi og kosningaréttur eru háð því að félagsmenn hafi fulla aðild og hafi greitt félagsgjöld til félagsins síðustu 6 mánuði.

# Tillögur um lagabreytingar

Verður:

## 3. gr. Aðildarskilyrði

### A. Full aðild

Peir sem hafa lokið a.m.k. Bachelor-prófi eða sambærilegri menntun og starfa á þeim sviðum sem félagið hefur samningsumboð fyrir geta fengið fulla aðild að félaginu. Stjórn er heimilt að hafna aðild að félaginu telji hún að félagið geti ekki samið um viðkomandi starf í kjarasamningi.

Full aðild felst í því að viðkomandi hafi hlotið aðild að félaginu, ásamt því að hafa greitt félagsgjald til félagsins sl. 6 mánuði.

### B. Nemaaðild

Nemaaðild er tímabundin aðild að félaginu. Nemaaðild varir að hámarki í 5 ár. Nemaaðild veitir full félagsréttindi önnur en kjörgengi.

Kjörgengi og kosningaréttur eru háð því að félagsmenn hafi fulla aðild og hafi greitt félagsgjöld til félagsins síðustu 6 mánuði.

Var:

## 5. gr. Aðalfundur

Aðalfundur fer með æðsta vald í málefnum félagsins. Aðalfundur skal halda eigi síðar en í mars ár hvert. Aðalfundur skal auglýstur á vefsvæði félagsins með a.m.k. viku fyrirvara. Með slíkri auglýsingu telst aðalfundur vera löglega boðaður. Samhliða slíkri auglýsingu skal félagið senda fundarboð á skráð netföng allra fullgildra félagsmanna. Stjórn getur ákveðið að aðalfundur fari fram rafrænt í fjarfundi að hluta eða öllu leyti og skal geta þess í fundarboði hvort um staðfund eða fjarfund sé að ræða. Stjórn getur farið fram á að félagsmenn forskrái mætingu á aðalfund. Aðeins kjörgengnir félagsmenn geta gefið kost á sér til þeirra starfa sem kosið er í á aðalfundi og skulu þeir tilkynna stjórn FÍN skriflega/rafrænt um framboð sitt fyrir 1. febrúar. Meginreglan er sú að allar kosningar í embætti á vegum félagsins, sem fram fara á aðalfundi, skulu vera skriflegar/rafrænar og leynilegar, ef ekki er sjálfkjörið. Heimilt er að hefja atkvæðagreiðslu við upphaf aðalfundar vegna kosningar í embætti á vegum félagsins.

Dagskrá skal tilgreind í fundarboði. Aðalfundur er lögmetur sé löglega til hans boðað.

Sérstök verkefni aðalfundar eru:

- Formaður flytur skýrslu stjórnar um félagsstarfið á liðnu starfsári.
- Lagðir fram endurskoðaðir ársreikningar félagsins og sjóða þess.
- Tillögur um lagabreytingar.
- Ákvörðun um félagsgjöld.

frh.

# Tillögur um lagabreytingar

5. Stjórnarkjör.
6. Kosning í stjórn kjaradeilusjóðs.
7. Kosning siðanefndar.
8. Önnur mál.

Aðra félagsfundi skal halda þegar stjórn félagsins sér ástæðu til og skulu þeir boðaðir með tryggilegum hætti. Þá er stjórn félagsins skylt að boða til félagsfundar ef a.m.k. 30 fullgildir félagsmenn krefjast þess skriflega og tilgreina fundarefni. Skal boðað til hans með sama hætti og gildir um aðalfundi.

## Verður:

Aðalfundur fer með æðsta vald í málefnum félagsins. Aðalfundur skal halda eigi síðar en í mars ár hvert. Aðalfundur skal auglýstur á vefsvæði félagsins með a.m.k. viku fyrirvara. Með slíkri auglýsingu telst aðalfundur vera löglega boðaður. Samhliða slíkri auglýsingu skal félagið senda fundarboð á skráð netföng allra fullgildra félagsmanna. Stjórn getur ákveðið að aðalfundur fari fram rafrænt í fjarfundi að hluta eða öllu leyti og skal geta þess í fundarboði hvort um staðfund eða fjarfund sé að ræða. Stjórn getur farið fram á að félagsmenn forskrái mætingu á aðalfund. Aðeins kjörgengnir félagsmenn geta gefið kost á sér til þeirra starfa sem kosið er í á aðalfundi og skulu þeir tilkynna stjórn FÍN skriflega/rafrænt um framboð sitt fyrir 1. febrúar.

Meginreglan er sú að allar kosningar í embætti á vegum félagsins skulu vera skriflegar/rafrænar og leynilegar, ef ekki er sjálfkjörið.

Stjórn er heimilt að hefja rafræna atkvæðagreiðslu vegna kosningar í embætti á vegum félagsins og skal stjórn upplýsa félagsmenn um fyrirkomulag kosninganna fyrir lok framboðsfrests. Stjórn félagsins skal útbúa og samþykkja kjörskrá um alla gilda kosningabæra félagsmenn samkvæmt félagatali 1. febrúar ár hvert.

Stjórn skal tryggja að félagsmenn geti kynnt sér þá frambjóðendur sem eru í kjöri áður en atkvæðagreiðsla hefst. Stjórn skal tryggja að upplýsingar sem eru veittar til frambjóðenda séu þær sömu. Stjórnarmenn og starfsmenn skulu gæta hlutleysis í störfum sínum gagnvart frambjóðendum. Niðurstöður kosninganna skulu tilkynntar á aðalfundi félagsins, í samræmi við dagskrá aðalfundar.

Dagskrá skal tilgreind í fundarboði. Aðalfundur er lögmaður sé löglega til hans boðað.

Sérstök verkefni aðalfundar eru:

1. Formaður flytur skýrslu stjórnar um félagsstarfið á liðnu starfsári.
2. Lagðir fram endurskoðaðir ársreikningar félagsins og sjóða þess.
3. Tillögur um lagabreytingar.

# Tillögur um lagabreytingar

4. Ákvörðun um félagsgjöld
5. Stjórnarkjör.
6. Kosning í stjórn kjaradeilusjóðs.
7. Kosning síðanefndar.
8. Önnur mál.

Aðra félagsfundi skal halda þegar stjórn félagsins sér ástæðu til og skulu þeir boðaðir með tryggilegum hætti. Þá er stjórn félagsins skylt að boða til félagsfundar ef a.m.k. 30 fullgildir félagsmenn krefjast þess skriflega og tilgreina fundarefni. Skal boðað til hans með sama hætti og gildir um aðalfundi.

## Var:

### 12. gr. Bandalag háskólamanna

Stjórn félagsins skipar fulltrúa á aðalfund Bandalags háskólamanna – BHM. Formaður situr að jafnaði í formannaráði BHM í samræmi við gildandi lög þess. Stjórn skipar varamann formanns í formannaráði.

## Verður:

### 12. gr. Bandalag háskólamanna

Félagið er aðili að Bandalagi háskólamanna (BHM).

Stjórn félagsins skipar fulltrúa á aðalfund Bandalags háskólamanna – BHM. Formaður situr að jafnaði í formannaráði BHM í samræmi við gildandi lög þess. Stjórn skipar varamann formanns í formannaráði.

## Var:

### 18. gr. Gildistími

Lög þessi öðlast gildi 25. mars 2021. Jafnframt falla eldri lög félagsins úr gildi.

## Verður:

### 18. gr. Gildistími

Lög þessi öðlast gildi 28. mars 2022. Jafnframt falla eldri lög félagsins úr gildi.

## Ákvörðun um félagsgjöld

Frá og með 1. apríl síðastliðinn lækkaði félagagjald FÍN úr 0,7% af heildarlaunum niður í 0,65% af heildarlaunum, en ákvörðun þess efnis var tekin á aðalfundi félagsins 25. mars síðastliðinn. Stjórn félagsins gerir ekki tillögu á aðalfundi um breytingar á félagsgjöldum.



# Stjórnarkjör 2022—2024

## Stjórn

(sjálfkjörið)

### Í kjöri til 2 ára:

**Formaður FÍN:**

Marianna H. Helgadóttir, Félag íslenskra náttúrufræðinga

**Meðstjórn (9):**

Anna Berg Samúelsdóttir, Fjarðabyggð

Benóný Jónsson, Hafrannsóknastofnun

Guðrún Nína Petersen, Veðurstofa Íslands

Lilja Grétarsdóttir, Reykjavíkurborg

Sigvaldi Thordarson, Íslenskar orkurannsóknir

Stefán Már Stefánsson, Náttúrufræðistofa Kópavogs

Svava S. Steinarsdóttir, Heilbrigðiseftirlit Reykjavíkur

Torfi Geir Hilmarsson, Alvotech

Unnur Magnúsdóttir, Genis

### Sitja frá fyrra ári:

**Varaformaður FÍN:**

Porkell Heiðarsson, Reykjavíkurborg

**Fulltrúi trúnaðamanna:**

Björg Helgadóttir, Reykjavíkurborg

**Meðstjórn:**

Berglind Ósk Alfreðsdóttir, Ráðgjafarmiðstöð landbúnaðarins

Bragi Bergsson, Reykjavíkurborg

Jón Már Halldórsson, Þjóðskrá

Margrét Geirsdóttir, Matís

Ríkey Kjartansdóttir, Háskóli Íslands

Stella Hrönn Jóhannsdóttir, Heilbrigðiseftirlit Suðurlands

Una Bjarnadóttir, Alvotech

**Í kjöri til eins árs vegna afsagnar eins stjórnarmanns**

Kristín Hermannsdóttir, Rannís

# Stjórnarkjör 2022—2024

## Stjórn Kjaradeilusjóðs

(sjálfkjörið)

### Í kjöri til 2 ára:

**Aðalmaður:**

Ólafur Eggertsson, Skógræktin

### Sitja frá fyrra ári:

**Aðalmenn:**

Bergljót Einarsdóttir, Kópavogur

Friðþjófur Árnason, Hafrannsóknastofnun

Jafnframt sitja í stjórn Kjaradeilusjóðs eftirtaldir aðilar:

**Aðalmenn:**

Formaður FÍN

Gjaldkeri FÍN

**Varamenn:**

Varaformaður FÍN

Ritari FÍN

## Síðanefnd

(sjálfkjörið)

### Í kjöri til 2 ára:

**Aðalmenn:**

Anna Berg Samúelsdóttir, Fjarðabyggð

Emelía Eiríksdóttir, Coripharma

Símon Klüpfel, Orkuveita Reykjavíkur

**Varamenn:**

Guðlaug Katrín Hákonardóttir, Háskóli Íslands

### Sitja frá fyrra ári:

**Aðalmenn:**

Jón Þór Bergþórsson, Landspítali/Háskóli Íslands

Ólafur Eysteinn Sigurjónsson, Landspítali

**Varamenn:**

Jóna Freysdóttir, Landspítali

# Fjarvera vegna ófærðar

Almennt hefur verið litið svo á að vinnuveitanda beri ekki að greiða starfsmönnum laun vegna fjarveru sem stafar af óviðráðanlegum og ófyrirsjáanlegum ytri aðstæðum eins og t.d. eldgosum, snjóflóðum, verkföllum, stríðs o.fl. Hér er um að ræða truflun á starfsemi vegna ytri aðstæðna, þ.e. force majeure eða vis major, en það felur í sér aðstæður sem ekki verða séðar fyrir og ekki er unnt að koma í veg fyrir þótt gerðar séu eðlilegar öryggisráðstafanir.

Á norðlægum slóðum má búast við, og á sumum stöðum hérlendis er slíkt fremur líklegt á vetrarmánuðum, að færð spillist á vegum landsins og jafnvel innan bæjarmarka. Undir mörgum kringumstæðum er því vart hægt að halda því fram að ófærð falli undir óviðráðanlegar og ófyrirsjáanlegar ytri aðstæður þó eðlilega sé um óviðráðanlegar aðstæður að ræða. Má því segja að hafi almenn ófærð ríkt á viðkomandi svæði, lögregla eða öryggisstofnanir hafi mælst fyrir um að fólk haldi kyrru fyrir heima hjá sér og þeir starfsmenn sem í hlut eiga, gert sitt ítrasta til að komast til vinnu eða komið til vinnu strax og vegir opnast eða almennissamgöngur byrja að keyra þá eigi þeir ekki að missa í neinu af sínum föstu grunnlaunum fyrir viðkomandi dag, þó eðlilegt sé að breytilegar tekjur skerðist.

Vert er þó að horfa til aðstæðna þar sem val starfsmanna á búsetu sinni geti leitt til þess að ófærð eða veðurfar spilli reglulega möguleikum starfsmanna að koma til vinnu. Sem dæmi má nefna ef starfsstöð vinnuveitanda er á höfuðborgarsvæðinu en viðkomandi starfsmaður býr í Árborg eða Árnosi eins og dæmi hafa sýnt síðustu ár, en ekki sé um að ræða almenna ófærð á viðkomandi starfssvæði vinnuveitanda. Í slíkum tilfellum er mjög mikilvægt að samtal sé tekið milli vinnuveitanda og viðkomandi starfsmanns hvernig fara eigi með í hverju tilfelli fyrir sig og hvernig sé unnt að komast hjá því að starfsmaður geti ekki sinnt vinnu sinni af þeim sökum.

Vert er að taka fram að komist starfsmaður ekki til vinnu vegna t.d. ófærðar í lok ferðalags þá verður að telja að slíkt sé alfarið á ábyrgð starfsmanns svo framarlega sem ekki sé um ferð á vegum vinnuveitanda að ræða, enda geti vinnuveitandi hvorki gert neitt til að koma í veg fyrir slíkar aðstæður né séð slíkt fyrir.

## Stefnumótunarþing BHM

25. febrúar síðastliðinn fór fram Stefnumótunarþing BHM á Nordica hótél. Á þinginu var samþykkt stefna BHM til næstu tveggja ára. Fulltrúar FÍN tóku virkan þátt á þinginu. Hægt er að kynna sér nýja stefnu BHM á [heimasíðu bandalagsins](#) en mótuð var stefna um:

- Atvinnulíf og nýsköpun
- Húsnæðismál
- Jafnrétti og fjölskylduvænn vinnumarkaður
- Laun og kjaramál
- Lífeyrismál
- Menning og skapandi greinar
- Menntamál og háskólamenntun
- Skattamál
- Umhverfis- og loftslagsmál
- Velferðarmál
- Vinnuverndarmál

Á myndinni eru, talið frá vinstri:

Orri Þrastarson, Svava S. Steinarsdóttir, Anna Berg Samúelsdóttir, Margrét Geirsdóttir, Berglind Ósk Alfreðsdóttir, Unnur Magnúsdóttir, Heiðrún Eiríksdóttir, Benóný Jónsson.



# Upplýsingar

## Trúnaðarmenn FÍN

Félagi íslenskra náttúrufræðinga (FÍN) er umhugað að bjóða félagsmönnum upp á bestu þjónustu sem við getum veitt í hverju tilfalli. Í því felst m.a. að félagsmenn geti leitað upplýsinga um kjara- og réttindamál og fengið ráðgjöf/aðstoð hjá stéttarfélaginu og/eða hjá trúnaðarmanni á vinnustað.

Félagið leitast við að halda úti öflugum neti trúnaðarmanna. Félagsmenn hafa þann valkost að kjósa/velja úr sínum röðum trúnaðarmann/menn. Félagið hvetur félagsmenn til að nýta sér þennan rétt og FÍN býður fram aðstoð og ráðgjöf við kosningu trúnaðarmanna.

Á sumum vinnustöðvum félagsmanna FÍN hefur ekki verið kosinn/tilnefndur trúnaðarmaður og í einhverjum tilfellum hefur kosning runnið út og réttarstaða trúnaðarmanns því ekki til staðar lengur.

Félagið telur það mikilvægt að sem flestir félagsmenn hafi aðgang að trúnaðarmanni á sínum vinnustað/starfsstöð. Á heimasíðu félagsins [www.fin.is](http://www.fin.is) má finna lista yfir trúnaðarmenn félagsins. Hægt er að nálgast frekari upplýsingar frá formanni FÍN um trúnaðarmenn og hlutverk þeirra og skyldur á heimasíðu félagsins. Skrifstofa FÍN veitir einnig upplýsingar um trúnaðarmenn og aðstoðar félagsmenn í þeim málum þar sem ekki er trúnaðarmaður til staðar.

FÍN vill hvetja félagsmenn sem ekki hafa trúnaðarmann á sínum vinnustað/starfsstöð til að tilnefna/kjósa trúnaðarmann úr sínum röðum. Ekki hika við að hafa samband við okkur á skrifstofu FÍN ef þið hafið einhverjar spurningar, viljið fá frekari upplýsingar eða hafið áhuga á að hefja feril um kosningu/tilnefningu trúnaðarmanns á ykkar vinnustað/starfsstöð.

## Betri vinnutími

Frá því að samið var um styttingu vinnuvikunnar hjá ríki, sveit og borg hefur mikil eftirfylgni með verkefninu átt sér stað fyrir hönd félagsmanna. Virkur stýrihópur hefur starfað eftir að verkefnið hófst og þar er sérstaklega fylgst með innleiðingu ferllisins bæði hjá starfsfólki í vaktavinnu og dagvinnu en einnig eftir því hjá hvaða vinnuveitanda félagsmenn starfa.

Sett hefur verið á fót heimasíðan [betrivinnutimi.is](http://betrivinnutimi.is) en þar er hægt að nálgast fjölbreytta fræðslu um styttingu vinnuvikunnar. Félagsmönnum sem vinna vaktavinnu er sérstaklega bent á að kynna sér hagnýta fræðslu um vaktahvata og aðra þætti sem hafa áhrif á vaktavinnu. Einnig er boðið upp á fjölbreytt námskeið sem allir félagsmenn geta sótt sér að kostnaðarlausu.